

儀

禮

用



燕禮考註卷之六

儀禮正經

燕禮第六

鄭氏曰諸侯無事若卿大夫有勤勞之功與群臣燕飲以樂之禮也燕禮於五禮屬嘉禮大戴第十二小戴及別錄皆第六

燕禮○小臣戒與者與去聲

小臣相君燕飲之人也與者謂留群臣也君以燕禮勞使臣若臣有功故與群臣樂之小臣則戒告語焉相息亮反勞力報反

右戒群臣

膳宰具官饌于寢東

膳宰者掌膳飲者也具備也官饌酒牲脯醢也屋室曰寢

樂人縣縣音玄

樂人樂工也縣縣鐘磬也

設洗篚于阼階東南當東雷壘水在東篚在洗西門肆設膳篚在其北西面

東霽殿寢之東也古者室有複穴皆開其上以取明雨則霽之後名中庭曰中霽膳篚者君象觚所饌也

司宮尊于東楹之西兩方壺在玄酒南上公尊瓦大兩有豐饗用綌若錫在尊南南上尊士族食于門西兩園壺大音秦錫

反今文作

瓦大有虞氏之尊也錫細布也冢用綌若錫冬夏異也

也士衆食謂未得正祿所謂庶人在官者也

司宮筵賓于戶西東上無加席也

記燕朝服于寢其牲狗也亨于門外東方

朝服者視朝之服也

右具饌設縣陳器

射人告具小臣設公席于阼階上西鄉設加席公升即位于席

西鄉小臣納鄉大夫鄉大夫皆入門右北面東上士立于西方

東面北上祝史立于門東北面東上小臣師一人在東堂下南

面士旅食者立于門西東上鄉許亮反

周禮諸侯昨席莞筵紛純加繅席畫純納者以公命引而入

也

公降立于阼階之東南南鄉爾鄉鄉西面北上爾大夫大夫皆少進射人請賓公曰命某為賓射人命賓賓少進禮辭反命又命之賓再拜稽首許諾射人反命賓出立于門外東面公揖鄉大夫乃升就席小臣自阼階下北面請執冪者與羞膳者乃命執冪者執冪者升自西階立于尊南北面東上膳宰請羞于諸公鄉者

爾近同近也移也記曰與鄉燕則大夫為賓謂與本國之臣燕則然若鄰國之臣則以上介為賓也公孤也上公之國得置孤一人執冪者執瓦大之冪也方圓壺無冪東上玄酒之冪為上

射人納賓賓入及庭公降一等揖之公升就席賓升自西階主人亦升自西階賓右北面至再拜賓答再拜射人納賓今之作

射人為擯者也主人宰矢也大宰之屬掌賓客之獻飲食者也其位在洗北西面君於其臣雖為賓不親獻以其尊莫敢抗禮也至再拜者拜賓來至也天子以膳夫為獻主

記與鄉燕則大夫為賓與大夫燕亦大夫為賓不以所與燕者為賓者燕主存歡心賓主敬也

羞膳者與執冪者皆士也羞鄉者小膳宰也凡羞與羞者小膳宰也

右即位

主人降洗洗南西北面賓降階西東面主人辭降賓對主人北面盥坐取觚洗賓少進辭洗主人坐奠觚于篚與對賓反位主人卒洗賓揖乃升主人升賓拜洗主人賓右奠觚答拜降盥賓降主人辭賓對卒盥賓揖升主人升坐取觚執冪者舉冪主人酌膳執冪者反冪主人進前獻賓賓西階上拜筵前受爵反位主人賓右拜送爵膳宰薦脯醢實升筵膳宰設折俎賓坐左執爵右祭脯醢奠爵於薦右與取肺坐絕祭齊之興加于俎坐說手執爵遂祭酒與席末坐啐酒降席坐奠爵拜告旨執爵與主人答拜賓西階上北面坐卒爵與坐奠爵遂拜主人答拜觚古文皆作解

主人降者賓將從降必西北面鄉之對答也觚亦酒爵受也

記唯公與賓有俎

右主人獻賓

賓以虛爵降主人降賓洗南坐奠觚少進辭降主人東面對賓坐取觚奠于篚下盥洗主人辭洗賓坐奠觚于篚與對卒洗及階揖升主人升拜洗如賓禮賓降盥主人降賓辭降卒盥揖升酌膳執冪如初以酢主人于西階上主人面北拜受爵賓主人之左拜送爵主人坐祭不啐酒不拜酒不告旨遂卒爵與坐奠爵拜執爵與賓答拜主人不崇酒以虛爵降奠于篚賓降立于西階西射人升賓賓升立于序內東面觚今文皆作爵主人辭洗今文無洗字

賓降者將酢主人也篚下篚南也賓左拜送爵者既南面授

爵乃之左也

右賓酢主人

主人盥洗象觚升實之東北面獻于公公拜受爵主人降自西階阼階下北面拜送爵士薦脯醢膳宰設折俎升自西階公祭如賓禮膳宰贊授肺不拜酒立卒爵坐奠爵拜執爵與主人答拜升受爵以降奠于膳篚

象觚觚有象骨為之飾也

更爵洗升酌膳酒以降酬于阼階下北面坐奠爵再拜稽首公答再拜主人坐祭遂卒爵再拜稽首公答再拜主人奠爵于篚

更古文作受

更爵者不敢因襲君之爵也

聽命者不敢必受之也

聽命者不敢必受之也

右主人獻公及自酢

主人盥洗升勝觚于賓酌散西階上坐奠爵拜賓賓降筵北面答拜主人坐祭遂飲賓辭卒爵拜賓答拜主人降洗賓降主人辭降賓辭洗卒洗揖升不拜洗主人酌膳賓西階上拜受爵于筵前反位主人拜送爵賓升席坐祭酒遂奠于薦東主人降復位賓降筵西東南面立

勝今文作騰散思旦反

勝送也散方壺也辭者辭其代君行酒不立飲也賓拜者拜其酌已也遂者因坐而奠不北面也奠之者酬而不舉也

右主人酬賓

小臣自阼階下請媵爵公命長小臣作下大夫二人媵爵媵爵者阼階下皆北面再拜稽首公答再拜媵爵者立于洗南西面北上序進盥洗角觶升自西階序進酌散交于楹北降阼階下皆奠觶再拜稽首執觶興公答再拜媵爵者皆坐系遂卒觶興坐奠觶再拜稽首執觶興公答再拜媵爵者執觶待于洗南小臣請致者若君命皆致則序進奠觶于篚阼階下皆再拜稽首公答再拜媵爵者洗象觶升實之序進坐奠于薦南北上降阼階下皆再拜稽首送觶公答再拜

命長者使選卿大夫之中長幼可使令者卿為上大夫不與之者為其尊也待待君命也請使一人與二人與優君也  
右下大夫二人媵爵

公坐取大夫所媵觶與以酬賓賓降西階下再拜稽首公命小臣辭賓升成拜公坐奠觶答再拜執觶興立卒觶賓下拜小臣辭賓升再拜稽首公坐奠觶答再拜執觶興賓進受虛爵降奠于篚

酬賓者就其階也升成拜復再拜稽首也虛爵者不酌君之尊尊君也

易觶洗公有命則不易不洗反升酌膳觶下拜小臣辭賓升再拜稽首公答再拜賓以旅酬於西階上射人作大夫長升受旅賓大夫之右坐奠觶拜執觶興大夫答拜賓坐祭立飲卒觶不拜若膳觶也則降更觶洗升實散大夫拜受賓拜送大夫辯受酬如受賓酬之禮不祭卒受者以虛觶降奠于篚

公答再拜拜於阼也君酬於賓賓旅於三卿三卿徧旅五大夫也賓在右者相飲之位也

記凡公所辭皆栗階凡栗階不過二等凡公所酬既拜請旅侍臣

栗蹙也謂越等急趨君命也

右公為賓舉旅

公為賓舉旅畧去勢位以通君臣之情也

主人洗升實散馱卿于西階上司宮兼卷重席設于賓左東上卿升拜受觚主人拜送觚卿辭重席司宮徹之乃薦脯醢卿升席坐左執爵右祭脯醢遂祭酒不啐酒降席西階上北面坐將興坐奠爵拜執爵與主人答拜受爵卿降復位辯馱卿主人

以禮降奠于篚射人乃升卿卿皆升就席辯今文作編虛

降奠于篚今文無奠于篚三字

酬而後馱卿別尊卑也兼卷者每卿具席也卿無俎者燕主於羞也

若有諸公則先卿馱之如馱卿之禮席于阼階西北面東上無加席

右主人馱孤卿

小臣又請媵爵者二大夫媵爵如初請致者若命長致則媵爵者奠觶于篚一人待于洗南長致致者阼階下再拜稽首公答再拜洗象觶升實之坐奠于席南降與立于洗南者二人皆再拜稽首送觶公答再拜



致者阼階下古文有北面二字

右再賡爵

公又行一爵若賓若長唯公所酬以旅于西階上如初大夫卒受者以虛觶降奠于篚

一爵先賡者之下觶也

右公為賓若孤卿舉旅

主人洗升獻大夫于西階上大夫升拜受觶主人拜送觶大夫坐祭立卒爵不拜既爵主人受爵大夫降復位胥薦主人于洗北西面脯醢無肴辯獻大夫遂薦之繼賓以西東上卒射人乃升大夫大夫比身升就席  
不酢不拜既爵禮至殺也胥小吏胥俎實

右主人獻大夫

席工于西階上少東樂正先升北面立于其西小臣納工工四入二瑟小臣左何瑟面鼓執越內弦右手相入升自西階北面東立坐小臣坐授瑟乃降工歌鹿鳴四牡皇皇者華卒歌主人洗升獻工工不興左瑟一人拜受爵主人西階上拜送爵薦脯醢使人相祭卒爵不拜主人受爵衆工不拜受爵坐祭遂卒爵辯有脯醢不祭主人受爵降奠于篚何胡我反相息亮反

右樂賓升歌獻工

公又舉奠觶唯公所賜以旅于西階上如初

右公為大夫舉旅

筮入立于縣中奏南陔白華華黍主人洗升獻筮于四階上一

人拜盡階不升堂受爵降主人拜送爵階前坐祭立卒爵不拜  
既爵升授主人衆笙不拜受爵降坐祭立卒爵辭有脯醢不祭  
及間歌魚麗笙由庚歌南有嘉魚笙崇立歌南山有臺笙由儀  
遂歌鄉樂周南關雎葛覃卷耳召南鵲巢采芣采蘋太師告于  
樂正曰正歌備樂正由楹內東楹之東告于公乃降復位  
記若以樂納賓則賓及庭奏肆夏賓拜酒主人答拜而樂闋公  
拜受爵而奏肆夏公卒爵主人升受爵以下而樂闋升歌鹿鳴  
下管新宮笙入三成

新宮小雅逸詩

遂合鄉樂若舞則勺

右樂賓笙間台

射人自阼階下請立司正公許射人遂爲司正司正洗角解  
面坐奠于中庭升東楹之東受命西階上北面命鄉大夫君曰  
以我安鄉大夫皆對曰諾敢不安司正降自西階南面坐取解  
升酌散降南面坐奠解右還北面少立坐取解興坐不祭卒解  
奠之興再拜稽首左還南面坐取解洗南面反奠于其所  
射人俱相禮其事同也右還將適解南先西面也反奠虛解  
不虛位也

右司正中庭奠解

升自西階東楹之東請徹俎降公許告于賓賓北面取俎以出  
膳宰徹公俎降自阼階以東鄉大夫皆降東面北上

右徹俎

賓及入及卿大夫皆說履升就席公以賓及卿大夫皆坐乃安  
羞庶羞大夫祭薦

庶羞謂饌肝膏狗臠醢骨體所以致敬也庶羞所以致愛也  
敬之愛之厚賢之道也燕乃祭薦不敢成禮於盛時也

司正升受命皆命君曰無不醉賓及卿大夫皆與對曰諾敢不  
醉皆反坐

皆命者命賓命卿大夫也

記有肉羞

羞豆之實

右燕

主人洗升獻士于西階上士長升拜受觶主人拜送觶士坐祭

正食不拜既爵其他不拜坐祭立飲

用觶賤也他謂衆士也亦升受爵不拜

乃薦司正與射人一人司士一人執事二人立于觶南東上辯

獻士士既獻者立于東方西面北上乃薦士祝史小臣師亦就  
其位而薦之主人就旅食之尊而獻之旅食不拜受爵坐祭立

飲

北面酌南鄉獻之於尊南

右主人獻士及祝史

若射則大射正爲司射如鄉射之禮

大射正射人之長也如者如其告弓矢既具至退中與筭也

記君與射則爲下射袒朱襦樂作而後就物小臣以巾授矢稍

屬不以樂志既發則小臣受弓以授弓人上射退于物一筭既發則答君而俟若飲君燕則夾爵

樂作就物者君尊也授矢稍屬者君尊不措矢也夾爵謂君在不勝之黨賓飲之如燕媵觚則又夾爵也凡將飲君先自飲及君飲訖又自飲為夾爵

君在大夫射則肉袒

不纁襦厭於君

君國中射則皮樹中以翽旌獲白羽與朱羽標於竟則虎中龍

國中城中也謂燕射也皮樹獸名以翽旌獲尚文德也

右燕射

賓降洗升媵觚于公酌散下拜公降一等小臣辭賓升再拜  
賓公答再拜賓坐祭卒爵再拜稽首公答再拜賓降洗象解升酌膳坐奠于薦南降拜小臣辭賓升成拜公答再拜賓反位升

媵觚古文作媵觚

右賓媵觚于公

公坐取賓所媵觚興唯公所賜受者如初受酬之禮降更爵洗升酌膳下拜小臣辭升成拜公答拜乃就席坐行之有執爵者唯受于公者拜

又言興者明公崇禮不倦也有執爵者士盥升酌授之也

司正命執爵者爵辯卒受者興以酬士大夫卒受者以爵興西階上酬士士升大夫奠爵拜士答拜大夫立卒爵不拜賓之士

拜受大夫拜送士旅于西階上辯士旅酌卒

爵辭者欲令惠均也與酬士者士立無坐位也

右公為士舉旅

主人洗升自西階馱庶子于阼階上如馱士之禮辯降洗遂馱左右正與內小臣皆於阼階上如馱庶子之禮

庶子衆子掌正六牲之體及舞位使國子脩德學道世子之官也左右正謂樂正僕人正也馱薦也

右主人馱庶子以下

無筭爵士也有執膳爵者有執散爵者執膳爵者酌以進公公不拜受執散爵者酌以之公命所賜者興受爵降席下其爵再拜稽首公答拜受賜爵者以爵就席坐公卒爵然後飲執

膳爵者受公爵酌反奠之受賜爵者興授執散爵者酌行之唯受爵於公者拜卒受爵者興以酬士于西階上士大夫不拜乃飲實爵士不拜受爵大夫就席士旅酌亦如之公有命徹幕則卿大夫皆降西階下北面東上再拜稽首公命小臣辭公答再拜大夫皆辟遂升反坐士終旅於上如初無筭樂宵則庶子執燭於阼階上司宮執燭於西階上甸人執大燭於庭闈人為大燭於門外

席下席西也不敢先虛爵明此勸惠從尊者來也命徹幕者公意殷勤必盡酒也君答拜於上示不虛受也無筭樂者升歌間合無數也取歡而已其樂章亦然也

右無筭爵

賓醉北面坐取其薦脯以降奏陔賓所執脯以賜鍾人於門內  
雷遂出卿大夫皆出公不送

取脯重得君賜也皆出隨賓出也不送者臣禮也

右賓出

公與客燕曰寡君有不腆之酒以請吾子之與寡君須臾馬使  
某也以請對曰寡君君之私也君無所辱賜于使臣臣敢辭寡  
君固曰不腆使某固以請對曰寡君君之私也君無所辱賜于  
使臣臣敢固辭寡君固曰不腆使某固以請某固辭不得命敢  
不從致命曰寡君使某有不腆之酒以請吾子之與寡君須臾  
焉君既寡君多矣又辱賜于使臣臣敢拜賜命

記若與四方之賓燕則公迎之于大門內揖讓升賓為苟敬

字作咄之西北面有脅不齊肺不宰酒其介為賓

客謂四方之使者曰者君使人戒客之辭也請者上介出請

入告也敢辭者上介出答王國使者之辭也私謂獨有恩惠

也寡君之私也以下客之對辭也某固辭以下又客之對辭

也君既以下又客之對辭也四方之賓謂來聘者也自戒至

於拜至皆如公食亦告饌具而後公即席小臣請執事請羞

者乃迎賓也苟且也微也主國君饗時親進醴于賓今燕又

宜獻焉人臣不敢褻煩尊者至此升堂而辭讓欲以臣禮燕

為恭敬也於是席如獻諸公之位言苟敬者賓實主國所且

敬也揖讓升如初禮主人獻賓獻公既獻苟敬乃媵觶群臣

即位如燕也

無膳尊無膳爵若與四方之賓燕膳爵曰受賜矣臣請贊執爵者相者對曰吾子無自辱焉有房中之樂

無膳尊膳爵降尊以就卑也受賜為公卿者酬之至燕主人事賓之禮殺賓降洗升膳解于公答恩惠也房中之樂無鍾磬之節

右公與客燕

重刊儀禮考註卷之六

重刊儀禮考註卷之七

儀禮正經

大射儀第七

鄭氏曰諸侯將有祭祀之事與其群臣射以觀其禮也中者得與祭不中者不得與射儀於五禮屬嘉禮大戴第十三小戴及別錄皆第七

大射之儀○君有命戒射○宰戒百官有事於射者

命君令也宰天子之冢宰治官卿也

射人戒諸公卿大夫射○司士戒士射與贊者

射人掌射法治射儀司士掌國中之士治公卿大夫士之戒異者辨其貴賤也

前射三日宰夫戒宰及司馬射人宿視滌

宰夫家宰之屬掌百官之徵令者司馬政官之卿滌謂溉器及掃除射宮之事

石戒百官

司馬命量人量侯道與所設之以狸步大侯九十參七十干五十設之各去其侯西十北十參素感反干五旦反

侯射布也量侯道謂去堂遠近也之謂之之所以為獲者之禦矢狸之何物每舉足者止視遠近為發必中也大侯能侯也參讀為糝糝雜也雜侯者豹鵠而麋飾干讀為豸豸侯者胡犬皮也

遂命量人巾車張三侯大侯之崇見鵠於參參見鵠於干干不

武不繫左下綱設之西十北十凡之用華

崇高也高必見鵠鵠所射之主鵠較也較直也言人正直乃能中也鵠鳥捷點而難中

右張侯

樂人宿縣于阼階東笙磬西面其南笙鍾其南鐃皆南陳建鼓在阼階西南鼓應鼙在其東南鼓西階之西頌磬東面其南鍾其南鐃皆南陳一建鼓在其南東鼓朔鼙在其北一建鼓在西階之東南面蕩在建鼓之間鼗倚于頌磬西絃縣音玄鐃音博頌音容蕩大黨反鼗大乃反絃音宏

笙猶生也東為陽中萬物以生是以東方鍾磬謂之笙皆編而縣之鐃如鍾而大奏樂以鼓鐃為節建猶樹也南鼓謂所



伐面也應鼙應朔鼙也先擊朔鼙應之鼙小鼓也在東便其先擊小後擊大也鼓不在東縣南為君也言成功曰頌西為陰中萬物之所成是以西方鍾磬謂之容奏樂先擊西鼙樂為賓所由來也箜篌竹也笙簫之屬倚于堂鼗導也所以導樂作紘編磬繩也設鼓於磬西倚于紘也

右設樂

厥明司宮尊于東楹之西兩方壺膳尊兩甒在南有豐冪用錫若絺綌諸箭蓋冪加勺又反之皆玄尊酒在北

膳尊君尊也錫細布絺細葛箭篠蓋也

尊士旅食于西鑊之南北面兩圜壺又尊于大俎之之東北兩壺獻酒

獻讀為淡酒濁特涕之必摩莎者也服不之尊也

盥洗于阼階東南壘水在東篚在洗西南陳設籩在其北西面又設洗于獲者之尊西北水在洗北篚在南東陳

無爵因服不也有篚為奠壘爵也服不之洗亦俟時而陳於其南

小臣設公席于阼階上西卿司宮設賓席于戶西南面有加席卿席賓東東上小卿賓西東上大夫繼而東上若有東面者則北上席工于西階之東東上諸公阼階西北面東上○官饌

唯賓及公席布之也其餘樹之於位後耳官饌者百官各饌其所當供之物也

右陳器設位具誤

羹定射人告具于公公升即位于席西鄉小臣師納諸公卿大夫諸公卿大夫皆入門右北面東上士西方東面北上大史在子侯之東北北面東上士旅食者在士南北面東上小臣師從者在東堂下南面西上

羹定者烹熟肉也小臣師正之位也正相君出入君之大食者

公降立于阼階之東南南鄉小臣師詔揖諸公卿大夫諸公卿大夫西面北上揖大夫大夫皆少進

大夫字疑衍文

右即位

大射正擯擯者請賓公曰命某為賓擯者命賓賓少進禮

命天命之賓再拜稽首受命擯者及命賓出立于門外北面公揖卿大夫升就席小臣自阼階下北面請執冪者與羞膳者乃命執冪者執冪者升自西階立于尊南北面東上膳宰請羞于諸公卿者擯者納賓賓及庭公降一等揖賓賓辟公升即席奏肆夏賓升自西階主人從之賓右北面至再拜賓答再拜

大射正射人之長也命某命某大夫也小臣北面請者請士可使執君兩甒之冪及羞脯醢庶羞於君者若以方園壺則無冪命者於西階前以公命命之東上執玄尊之冪為上羞膳者從而東由堂東升自北階立于房中西面南上不言命者不升堂畧之也而曰膳宰請羞于諸公卿者異於君也

右納賓

主人降洗洗南西北面賓降階西東面主人辭降賓對主人北面盥坐取觚洗賓少進辭洗主人坐奠觚于篚與對賓反位主人卒洗賓揖乃升主人升賓拜洗主人賓右奠觚答拜降盥賓降主人辭降賓對卒盥賓揖升主人升坐取觚執冪者舉冪主人酌膳執冪者蓋冪酌者加勺又反之筵前獻賓賓西階上拜受爵于筵前反位主人賓右拜送爵冪者薦脯醢賓升筵庶子設折俎賓坐左執觚右祭脯醢奠爵于薦右與取肺坐絕祭齊之與加于俎坐拱手執爵遂祭酒與席未坐啐酒降席坐奠爵拜告肯執爵與主人答拜樂闋賓西階上北面坐卒爵興坐奠爵拜執爵興主人答拜

主人以宰以爲之宰胥宰官之吏也樂闋者樂止也

### 右主人獻賓

賓以虛爵降主人降賓洗南西北面坐奠觚少進辭降主人西階西東面少進對賓坐取觚奠于篚下盥洗主人辭洗賓坐奠觚于篚興對卒洗及階揖升主人升拜洗如賓禮賓降盥主人降賓辭降卒盥揖升酌膳執冪如初以酢主人于西階上主人北面拜受爵賓主人之左拜送爵主人坐祭不啐酒不拜酒遂卒爵興坐奠爵拜執爵興賓答拜主人不崇酒以虛爵降奠于篚賓降立于西階西東面擯者以命升賓賓升立于西序東面奠于篚下奠爵于篚南也賓南面授爵乃於左拜命公命也

### 右賓酢主人

主人盥洗象觚升酌膳東北面獻于公公拜受爵乃奏肆夏主

人降自西階阼階下北面拜送爵寧胥薦脯醢由左房庶子設折俎升自西階公祭如賓禮庶子贊授肺不拜酒立卒爵坐奠爵拜執爵興主人答拜樂闋升受爵降奠于篚更爵洗升酌散次降酢于阼階下北面坐奠爵再拜稽首公答拜主人坐祭遂卒爵興坐奠爵再拜稽首公答拜主人奠爵于篚更古文作受象觚不實變於燕也言乃者其節異於賓也左房東房也人君左右房更易也易爵不敢襲至尊也

右主人獻公

主人盥洗升勝觚于賓酌散西階上坐奠爵拜賓西階上北面答拜主人坐祭遂飲賓辭卒爵興坐奠爵拜執爵興賓答拜主人降洗賓降主人辭降賓辭洗卒洗賓揖升不拜洗主人酌

賓西階上拜受爵于筵前反位主人拜送爵賓升席坐祭酒處奠于薦東主人降復位賓降筵西東南面立勝古文作騰辭者辭其代君行酒不立飲也比於正主酬也奠之者不舉也

右主人酬賓

小臣自阼階下請勝爵者公命長小臣作下大夫二人勝爵勝爵者阼階下皆北面再拜稽首公答拜勝爵者立于洗南西面北上序進盥洗角觶升自西階序進酌散交于楹北降適阼階下皆奠觶再拜稽首執觶興公答拜勝爵者皆坐祭遂卒觶興坐奠觶再拜稽首執觶興公答再拜勝爵者執觶待于洗南小臣請致者若命皆致則序進奠觶于篚阼階下皆北面再拜稽

首公答拜媵爵者洗象解升實之序進坐於薦南北上降適  
阼階下皆再拜稽首送解公答拜媵爵者皆退反位適古文作  
造

先者既酌右還而反與後酌者交于西楹北相左俟於西階  
上乃降往來以右為上也

右下大夫二人媵爵

公坐取大夫所媵解興以酬賓賓降西階下再拜稽首小臣正  
辭賓升成拜公坐奠解答拜執解興公卒解賓下拜小臣正辭  
賓升再拜稽首公坐奠解答拜執解興賓進受虛解降奠于篚  
湯解興流公有命則不易不洗反升酌膳下拜小臣正辭賓升  
再拜稽首公答拜賓告于擯者請旅諸臣擯者告于公公許

下大夫勞者遂以賓入

兼兩也右執棗而左執栗

記辭曰非禮也敢曰非禮也敢

右郊勞

至于朝主人曰不腆先君之祧既拚以俟矣拚亦間反

腆善也祧始祖之廟也周天子七廟文武為祧祧之言起也

拚本作拌方言楚人凡揮器之物曰拚

賓曰俟間

間隙也

右至朝

大夫帥至于館卿致館賓迎再拜卿致命賓再拜稽首卿退賓

送再拜

致至也致命者安之也

記鄉館于大夫大夫館于士士館於工商管人為客三日具沐五日具浴

管人掌客館之人也沐濯髮也浴澡身也

石致管

宰夫朝服設飧飪一牢在西鼎九羞鼎三腥一牢在東鼎七堂

上之饌八西夾六門外米禾皆二十車薪芻倍禾發音係

飧舖也謂脯時食也飪熟也熟在西腥在東象春秋也鼎

九東七其鼎實與其陳如陳饗饌羞鼎則倍鼎也以其

之則曰羞以其陳言之則曰倍饌食也八六者豆菹也凡

奠于薦南先勝者上解之處也

右再勝爵

公又行一爵若賓若長唯公所賜以旅于西階上如初大夫卒

受者以虛解降奠于筐

一爵先勝者之下解也若賓若長禮殺也公所受者賜賓則

以酬長賜長則以酬賓也

右公為賓若孤卿舉旅

主人洗觚升獻大夫于西階上大夫升拜受觚主人拜送觚大

夫坐祭立卒爵不拜既爵主人受爵大夫降復位不薦主人于

洗北西面脯醢無脊辯獻大夫遂薦之繼賓以西東上若有束

面者則北上卒擯者亦大夫大夫皆升就席

大夫卒爵不拜賤不備禮也主人下大夫也先大夫薦之尊之也不薦于上辟正主也辯獻乃薦畧賤也亦獻後布席也

右主人獻大夫

乃席工于西階上少東小臣納工工六人四瑟僕人正徒相大師僕人師相少師僕人十相上工相者皆左何瑟後首內弦撻越右手相後者徒相入小樂正從之升自西階北面東上坐授瑟乃降小樂正立于西階東乃歌鹿鳴三終主人洗升實爵獻工工不興左瑟一人拜受爵主人西階上拜送爵薦脯西人相祭卒爵不拜主人受虛爵工不拜受爵坐祭遂卒爵辯者脯醢不祭主人受爵降奠于篚復位大師及少師上工皆降于鼓北群工陪于後乃管新官三終卒管大師及少師上工

東階之東南西面北上坐相少皆去聲何上聲首古文作丰

六人太師少師各一人上工四人四瑟者禮大而樂衆也鼓北者西縣之北也群工陪于後三人為列也笙從工而入既管不獻畧下賤也立于東縣之中不言縣北統於堂也是時大樂正還北面立于其南矣

右樂賓

擯者自阼階下請立司正公許擯者遂為司正司正適洗洗角觶南面坐奠于中庭升東楹之東受命于公西階上北面命賓諸公卿大夫公曰以我安賓諸公卿大夫皆對曰諾敢不安司正降自西階南面坐取觶升酌散降南面坐奠觶興右還北面少立坐取觶興坐不祭卒觶奠之興再拜稽首左還南面坐取

解洗南面及奠于其所北面立

三爵既備上下樂作將留群臣而射宜立司正監之也奠解于中庭者著其位以顯其事威儀多也

右立司正

司射適次袒決遂執弓挾乘矢於弓外見鏃於附右巨指鈎弦自阼階前曰為政請射遂告曰大夫與大夫士御於大夫遂跪西階前東面右顧

耦次在洗東南為政謂司馬也遂告者告選三耦於君御猶侍也大夫與大夫為耦不足則士侍大夫為耦也

命有司納射器射器皆入君之弓矢適東室賓之弓矢與中等魯皆止于西堂下衆弓矢不挾總衆弓矢楅皆適次而俟正人

士與梓人升自北階兩楹之間䟽數容弓若丹若墨度尺而午射正蒞之卒畫自北階下司宮掃所畫物自北階下大史俟于所設中之西東面以聽政數音朔

中間中筭器也衆弓矢三耦及卿大夫以下弓矢也司射矢亦止西堂下衆弓矢不挾則納工與賓弓矢者挾之楅承矢器掃物重射事也

司射西面誓之曰公射大侯大夫射參士射干射者非其侯中之不獲卑者與尊者為耦不異侯太史許諾遂比三耦三耦俟于次北西面北上司射命上射曰某御於子命下射曰子與某子射卒遂命三耦取弓矢于次

比選次之也不言面者大夫在門右北面士西方東面天子



大射賓射六耦三侯畿內諸侯則二侯四耦畿外諸侯大射  
賓射皆三侯三耦若燕射則天子諸侯例同三耦一侯而已  
以其燕私在也若鄉大夫士則例同一侯三耦也

右納射器比三耦

司射入于次搢三挾一个出于次西面揖當階北面揖及階揖  
升堂揖當物北面揖及物揖由下物少退誘射射三侯將乘矢  
始射干又射參大侯再發

誘猶教也將行也行四矢將有事於四方

卒射北面揖及階揖降如升射之儀遂適堂西改取一个挾之  
遂取扑搢之以立于所設中之西南東面

大射辨尊卑其位次與鄉射不同

右司射誘射

司馬師命負侯者執旌以負侯負侯者皆適侯執旌負侯而後  
司射適次作上耦射司射及位上耦出次西面揖進上射在左  
並行當階北面揖及階揖上射先升三等下射後之中等上射  
升堂少左下射升上射揖並行皆當其物北面揖及物揖皆左  
足履物還視侯中合足而侯

司馬師正之左也視侯中大夫視參中參中十四尺士視二  
中干中十尺

右司馬命負侯司射作射

司馬正適次袒決遂執弓右挾之出升自西階適下物立于物  
間左執附右執簫南揚弓命去侯負侯皆許諾以宮趨直西及

走南又諾以商至之聲止授獲者退立于西方獲者與共而俟  
司馬正出于下射之南還其後降自西階遂適次釋弓說決拾  
襲反位

適下物由上射後東過也命去侯將射當獲也

司射進與司馬正交于階前相左由堂下四階之東北面視上  
射命曰毋射獲為獵獲上射揖司揖退反位

射獲之射音弋射獲矢中之也從旁為獵

右司馬命去侯司射命射

乃射上射既發挾矢而后下射射拾發以將棄矢獲者坐而獲  
率旌以宮偃旌以商獲而未釋獲卒射右挾之北面揖揖如升  
射上射降三等下射少右從之中等並行上射於左與升射

相左交于階前相揖適次釋弓說決拾襲反位

拾更也坐言獲也率旌偃旌再言獲也獲而未釋獲者但言  
獲未釋筭也言襲者凡射皆袒也

三耦卒射亦如之○司射去扑倚于階西適阼階下北面告于  
公曰三耦卒射反摺扑反位

獲而未釋獲

右三耦初射

正

司馬正袒決遂執弓右挾之出與司射交于階前相左升自西  
階自右物之後立于物間西南面揖弓命取矢負侯許諾如初  
去侯皆執旌以負其侯而侯

出出次也揖推之也侯者侯小臣取矢以旌指教之

司馬正降自西階北面命設福小臣師設福司馬正東面以弓  
為畢既設福司馬正適次釋弓說決拾襲反位小臣坐委矢于  
袒北括司馬師坐乘之卒若矢不備則司馬正又袒執弓升命  
取矢如初曰取矢不索乃復求矢加于福卒司馬正進坐左右  
撫之興反位

畢所以教助執事左右撫之者分上下射此坐皆北面

司射適西階西倚扑升自西階東面請射于公公許遂適西階  
上命賓御于公諸公卿則以耦告于上大夫則降即位而后告  
司射自西階上北面告于大夫曰請降司射先降摺扑反位大  
夫從之降適次立于三耦之南西面北上司射東面于大夫之  
西北耦大夫與大夫命上射曰某御於子命下射曰子與某子

射畢遂比衆耦衆耦立于大夫之南西面北上若有士與大夫  
為耦則以大夫之耦為上命大夫之耦曰子與某子射告於大  
夫曰某御於子命衆耦如命三耦之辭諸公卿皆未降

倚扑者將即君前不敢佩刑器也升堂者欲諸公卿大夫辯  
聞也告諸公卿於堂上尊之也言未降者見其志之在射也

遂命三耦各與其耦拾取矢皆袒決遂執弓右挾之一耦出西  
面揖當福北面揖及福揖上射東面下射西面上射揖進坐橫  
弓卻手自弓下取一个兼諸附興順羽且左還毋周反面揖下  
射進坐橫弓覆手自弓上取一个兼諸附興順羽且左還毋周  
反面揖既拾取矢袒之兼挾乘矢皆內還南面揖適福南皆左  
還北面揖摺三挾一个揖以耦左還上射於左退者與進者相

左相揖退釋弓矢于次說決拾襲反位二耦拾取矢亦如之後者遂取誘射之矢兼乘矢而取之以授有司于次中皆襲反位此命入次之事也言射既命而反位不言之者上射出當作取矢事未訖也三耦同入次其出也一上射出西面立司射作之乃揖行也橫弓者南陪弓也卻手者以左手在弓表右手從裏取之便也左還反其位毋周右還而反東面也君在昨還周則下射將背之也內還者上射左下射右不皆右還亦以君在昨嫌下射故左還而背之也福南鄉當福之位也上射轉居主便其反位也上射少北乃東面

右取矢再請射

司射作射如初一耦揖升如初司馬命去侯負侯許諾如初司

馬降釋弓反位司射猶挾一个去扑與司馬交于階前適昨階下北面請釋獲于公公許反措扑遂命釋獲者設中以弓爲壘北面大史釋獲小臣師執中先首坐設之東面退太史實八筭于中橫委其餘于中西與共而侯司射西面命曰中離維綱揚觸裊復公則釋獲衆則不與唯公所中中三侯皆獲釋獲者命小史小史命獲者司射遂進由堂下北面視上射命曰不貫不釋上射揖司射退反位釋獲者坐取中之八筭改實八筭與執而侯裊古文作魁與音預中去声貫古文作關

猶守故之辭離猶過也獵也侯有上下綱其邪制躬舌之角者爲維或曰維當爲綃綃綱耳揚觸者謂天中地物揚而觸侯也裊復謂矢至侯不著而還復也公則釋獲優君也衆當

中鵠而著公所中值中一侯則釋獲也

乃射若中則釋獲者每一个釋一筭上射於右下射於左若有餘筭則反委之又取中之八筭改實八筭于中與執而侯三耦卒射

委餘筭者貴異也

鄉射記君國中射則皮樹中以翻旌獲白羽與朱羽操於郊則閭中以旌獲於境則虎中龍旌大夫兕中各以其物獲士鹿中翻旌以獲

右三耦再射釋獲

賓降取弓矢于堂西諸公則適次繼三耦以南

繼者在大夫之北

公將射則司馬師命負侯皆執其旌以負其侯而侯司馬師位隸僕人掃侯道司射去扑適阼階下告射于公公許適西階東告于賓遂摺扑反位小射正一人取公之决拾于東坵上一小射正授弓拂弓皆以侯于東堂

掃侯道新之也拂弓者拂塵也

公將射則賓降適堂西袒决遂執弓摺三挾一个升自西階先待于物北北一筭東面立司馬升命去侯如初還右乃降釋弓反位還右古文作右還

待于物北不敢與君併也東面立鄉君也

公就物小射正奉决拾以筭大射正執弓皆以從於物小射正坐奠筭于物南遂拂以巾取决興贊設决朱極三小臣正贊袒

公袒朱襦卒袒小臣正退俟于東堂小射正又坐取拾與養設  
拾以筭退奠于坫上復位大射正執弓以袂順左右隈上垂下  
壹左執弣右執簫以授公公親操之小臣師以巾內拂矢而授  
矢于公稍屬大射正立于公後以矢行告于公下曰留上曰揚  
左右曰方公既發大射正授弓而俟拾發以將棄矢以袂順今  
文作以袂循操古文作紐

筭韋器極猶放也所以韜指利放弦也以朱韋為之三者  
食指將指無名指無極放弦契於此指多則痛小指短不用  
設拾者既袒乃設拾拾當以韜襦上順者順放之也隈弓淵  
也操死之觀其安危也內拂矢恐塵及君也稍屬不措矢也  
公下射也而先發不留尊也

公卒射小臣師以巾退反位大射正受弓小射正以筭受矢  
退奠于坫上復位大射正退反司正之位小臣正贊罷公還而  
后賓降釋弓于堂西反位于階西東面公即席司正以命升賓  
賓升復進而后卿大夫繼射

階西東面賓降之位也

諸公卿取弓矢于次中袒決遂執弓措三挾一个出西面揖上  
如三耦升射卒射降如三耦適次釋弓說決拾襲反位衆皆繼  
射釋獲皆如初○卿射記君射則為下射上射退于物一筭既  
發則答君而俟君樂作而後就物君袒朱襦以射小臣以巾執  
矢以俟○唯君有射于國中其餘否君在大夫射則肉袒

右公及賓諸公卿大夫射

本射釋獲者遂以所執餘獲適阼階下北面告于公曰左右卒射反位坐委餘獲于中西興共而俟司馬袒執弓升命取矢如初負侯許諾以旌負侯如初司馬降釋弓如初小臣委矢于福如初賓諸公卿大夫之矢皆異束之以茅卒正坐左右撫之進束反位賓之矢則以授矢人于西堂下司馬釋弓反位而后卿大夫升就席

乘矢異束大夫矢尊異之也公卿皆異束但大夫或與士耦則士矢不束大夫束之也

司射適階西釋弓去扑襲進由中東立于中南北面視筭釋獲者東面于中西坐先數右獲二筭為純一純以取實于左手一純則縮而委之每委異之有餘純則橫諸下一筭為奇則又

縮諸純下興自前適左東面坐坐兼欵筭實于左手一純以委十則異之其餘如右獲司射復位釋獲者遂進取賢獲執之由阼階下北面告于公若右勝則曰右賢於左若左勝則曰左賢於右以純數告若有奇者亦曰奇若左右鈎則左右各執一筭以告曰左右鈎還復位坐兼欵筭實八筭于中委其餘于中西興共而俟

解見鄉射

右再射取矢視筭

司射命設豐司宮士奉豐由西階升北面坐設于西楹西降復位勝者之弟子洗解升酌散南面坐奠于豐上降反位司射遂袒執弓挾一个措扑東面于三耦之西命三耦及衆射者勝者

皆袒決遂執張弓不勝者皆襲談決拾卻左手右加弛弓于其上遂以執弣司射先交位三耦及衆射者皆升飲射爵于西階上小射正作升飲射爵者如作射一耦出揖如升射及階勝者先升升堂少右不勝者進北面坐取豐上之觶與少退立卒觶進坐奠于豐下與揖不勝者先降與升飲者相左交于階前相揖適次釋弓襲及位僕人師繼酌射爵取觶實之反奠于豐上退俟于序端升飲者如初三耦卒飲

不授者射爵猶罰爵畧之也司射充及位者居前俟所命入次而來飲也三耦及衆射者皆升飲者不勝者之黨無不升也升飲者右手執觶左手執弓也先升尊賢也後升先降之不內也

諸公卿大夫不勝則不降不執弓耦不升僕人師洗升觶以授賓諸公卿大夫受觶于席以降適西階上北面立飲卒觶授執爵者反就席

此耦謂士也諸公卿或闕士為之耦者不升其諸公卿大夫相為耦者不降席重耻尊也雖尊亦西階上立飲者不可以已尊而枉正罰也授爵而不奠于豐尊大夫也

若飲公則侍射者降洗角觶升酌散降拜公降一等小臣正辭賓升再拜稽首公答再拜賓坐祭卒爵再拜稽首公答再拜賓降洗象觶升酌膳以致下拜小臣正辭升再拜稽首公答再拜公卒觶賓進受觶降洗散觶升賓散下拜小臣正辭升再拜稽首公答再拜賓坐不祭卒觶降奠于篚階西東面立擯者以命



升賓賓升就席若諸公卿大夫之耦不勝則亦執弛弓特升飲  
衆皆繼飲射爵如三耦射爵辯乃徹豐與觴

侍飲者侍射賓也賓復酌自飲者夾爵也賓不祭象射爵也  
特猶獨也

鄉射記若飲君如燕則夾爵

右飲不勝者

司官尊俟于服不之東北兩獻酒東面南上皆加勺設洗于尊

西北篚在南東肆實一散于篚獻素多及

服不司馬之屬掌養禽獸而教擾之者

司馬正洗散遂實爵獻服不服不俟西北三步北面拜受爵司

馬正西面拜送爵及位宰夫有司薦庶子設折俎卒錯獲

若个薦俎從之獲者左執爵右祭薦俎二手祭酒適左个祭如

若个中亦如之卒祭左个之西北三步東面設薦俎立卒爵

司馬不俟卒爵者冢賤也祭俎不奠爵不備禮也二手祭酒

者獲者南面於俎北當為俟祭於豆間爵及注於一手不能

正也先祭个後祭中者以外即之至中若神在中也立卒爵

而不拜者司馬正已及位也

司馬師受虛爵洗獻隸僕人與巾車獲者皆如大侯之禮卒司

馬師受虛爵奠于篚獲者皆執其薦庶子執俎從之設于之少

南服不復負俟而俟

隸僕人巾車於服不之位受之功成於大侯也

司射適階西去扑適堂西釋弓說決拾襲適洗洗觚升實之降

獻釋獲者于其位少南薦脯醢折俎皆有祭釋獲者薦右東面拜受爵司射北面拜送爵釋獲者就其薦坐左執爵右祭脯醢與取肺坐祭遂祭酒興司射之西北面立卒爵不拜既爵司射受虛爵奠于篚釋獲者少西辟薦反位

獻釋獲者與獲者異文武不同也俎與服不同唯祭一為異祭俎不奠爵亦賤不備禮也

右獻服不及釋獲者

司射適堂西袒決遂取弓挾一个適階西搯扑以及反位司射倚扑于階西適阼階下北面請射于公如初反搯扑適次命三耦皆袒決遂執弓序出取矢司射先反位三耦拾取矢如初小射正作取矢如初

言先者先三耦也作取矢禮殺則代之也

三耦既拾取矢諸公卿大夫皆降如初位與耦入於次皆袒決遂執弓皆進當楅進坐說矢東上射東面下射西面拾取矢如三耦

皆進當楅進三耦揖之位也

右三耦諸公卿大夫拾取矢

若士與大夫為耦士東面大夫西面大夫進坐說矢東退反位耦揖進坐兼取乘矢與順羽且左還毋周反面揖大夫進坐亦兼取乘矢如其耦北面搯三挾一个揖進大夫與其耦皆適次釋弓說決拾襲反位諸公卿升就席

大夫說矢束同三耦謙也

射者繼拾取矢皆如三耦遂入于次釋弓矢說決拾襲及位  
右大夫耦拾取矢

司射猶挾一个以作射如初一耦揖升如初司馬升命去侯負  
侯許諾司馬降釋弓及位司射與司馬交于階前倚扑于階西  
適階階下北面請以樂于公公許司射反摺扑東面命樂正曰  
命用樂樂正曰諾司射遂適堂下北面視上射命曰不鼓不釋  
請奏樂以為節也始射獲而未釋獲後釋獲復用樂行之君  
子之於事也始取苟能中課有功終用成法教化之漸也射  
用應樂為難鼓亦樂之節也

上射揖司射退及位樂正命大師曰奏狸首間若一太師不興  
許諾樂正及位奏狸首以射三耦卒射賓待于物如初公樂作  
而也就物稍屬不以樂志其他如初儀

狸首逸詩魯孫也詩有魯孫侯氏御於君所以燕以射則燕  
則譽之辭

卒射如初賓就席諸公卿大夫無射者皆繼射釋獲如初卒射  
降及位釋獲者執餘獲進告左右卒射如初

右三射以樂為節

大射階下請以樂樂于公公樂作而後就物與鄉射賓禮  
異大射奏狸首與鄉射奏騶虞異

司馬升命取矢負侯許諾司馬降釋弓及位小臣委矢司馬師  
乘之皆如初司射釋弓視筭如初釋獲者以賢獲與鈞告如初  
復位

右取矢視筭如初  
司射命設豐賓解如初遂命勝者執張弓不勝者執弛弓升飲  
如初卒退豐與解如初

右飲不勝者如初

司射由袒決遂左執弓右執一兼諸弦面鏃適次命拾取矢  
如初司射反位三耦及諸公卿大夫衆射者皆袒決遂以拾取  
矢如初矢不挾兼諸弦面鏃退適次皆授有司弓矢襲反位卿  
大夫升就席

右拾取矢如初

司射適次釋弓說決拾去扑襲反位司馬正命退搗解綱小臣  
師退搗巾車量入解左下綱司馬師命獲者以旌與薦俎退司

射命釋獲者退中與筭而俟

右三射畢

公又舉奠解唯公所賜若賓若長以旅于西階上如初大夫卒  
受者以虛解降奠于篚反位

右公爲大夫舉旅

司馬正升自西階東楹之東北面告于公請徹俎公許遂適西  
階上北面告于賓賓北面取俎以出諸公卿取俎如賓禮遂出  
授從者于門外大夫降復位廢于正徹公俎降自阼階以東

右徹俎

賓諸公卿皆入門東面北上司正升賓賓諸公卿大夫皆說履  
升就席公以賓及卿大夫皆坐乃安羞庶羞大夫祭薦司正升

受命皆命公曰衆無不醉賓及諸公卿大夫皆興對曰諾敢不  
醉皆反位坐

右燕

主人洗酌獻士于西階上士長升拜受解主人拜送士坐祭立  
飲不拜既爵其他不拜坐祭立飲乃薦司正與射入于解南北  
面東上司正爲上辯獻士士既獻者立于東方西面北上乃薦  
士祝史小臣師亦就其位而薦之主人就士旅食之尊而獻之  
旅食不拜受爵坐祭立飲主人執虛爵奠于篚復位

右主人獻士及祝史

賓降洗升媵解于公酌散下拜公降一等小臣正辭賓升再拜  
稽首公答再拜賓坐祭卒爵再拜稽首公答再拜賓降洗象觚

升酌膳坐奠于薦南降拜小臣正辭賓升成拜公答拜賓反位  
右賓媵爵于公

公坐取賓所媵觚興唯公所賜受者如初受酬之禮降更爵洗  
升酌膳下再拜稽首小臣正辭升成拜公答拜乃就席坐行之  
有執爵者唯受于公者拜司正命執爵者爵辯卒受者興以酬  
士大夫卒受者以爵興西階上酬士士升大夫奠爵拜士答拜  
大夫立卒爵不拜實之士拜受大夫拜送士旅于西階上辯士  
旅酌

右公爲士舉旅

若命曰復射則不獻筮子司射命射唯欲卿大夫皆降再拜稽  
首公答拜壹發中三侯皆獲

右復射

主人洗升自西階獻庶子于阼階上如獻士之禮辯獻降洗遂獻左右正與內小臣皆於阼階上如獻庶子之禮

右主人獻庶子以下

無筭爵士也有執膳爵者有執散爵者酌以進公公不拜受執散爵者酌以之公命所賜所賜者與受爵降席下奠爵再拜擯首公答再拜受賜爵者以爵就席坐公卒爵然後飲執膳爵者受公酌酌及奠之受賜者與受執散爵者執散爵者乃酌行之唯受于公者拜卒爵者與以酬士于西階上士升大夫不拜乃飲實爵士不拜受爵大夫就席士旅酌亦如之公有命徹幕則賓及諸公卿大夫皆降西階下北面東上再拜稽首

右無筭爵

公命小臣正辭公答拜大夫皆辟升及位士終旅於上如也無筭樂齊則庶子執燭於阼階上司宮執燭於西階上甸人執大燭於庭閭人為燭於門外

實醉北面坐取其薦脯以降奏陳賓所執脯以賜鍾人于門內

右大射畢

重刊儀禮考註卷之七

禮記儀禮考註卷之八

儀禮正經

聘禮第八

鄭氏曰大問曰聘諸侯相於久無事使卿相問之禮也小聘使大夫周禮曰凡諸侯之邦交歲相問也殷相聘也世相朝也聘於五禮屬賓禮大戴第十四小戴第十五別錄第八

聘禮○君與卿圖事遂命使者使者再拜稽首辭君不許乃退既圖事戒上介亦如之宰命司馬戒衆介衆介皆逆命不辭使者出聘之人也諸侯有聘事必以卿為使君既以賢能而命臣臣當以謙抑而辭者禮也宰上卿之以貳君事者也逆

受也言君既命使者矣又命上介及衆介也  
記又無事則聘為

事謂盟會之屬

右命使介

宰書幣命宰夫官具

書聘問之辭幣帛也官具者命衆官具宜用之禮

記多貨則傷于德幣美則沒禮○既受行出遂見宰問幾月之

資幾居豈反資古文作齊

貨天地所化生謂玉也君子於玉比德焉朝聘之禮以為信  
節重禮也多之則是主於貨傷敗其為德也幣人所造成以  
自覆幣謂束帛也愛之斯欲衣食之君子之情也是以重

幣所以副忠信美之則是主於幣而禮之本意不見也資行  
用也古者君臣謀密草創未知所資費之多寡也

右具幣齊

及期夕幣使者朝服帥衆介夕管人布幕于寢門外官陳幣皮  
北首西上加其奉於左皮上馬則北面奠幣于其前使者北面  
衆介立於其左東上卿大夫在幕東西面北上宰入告具于君  
君朝服出門左南鄉史讀書展幣宰執書告備具于君授使者  
使者受書授上介公揖入官載其幣舍于朝上介視載者所受  
書以行帥古文皆當作率管古文皆作官布今文作敷朝音潮  
卿云声奉古文作卷馬則北面今文無則字使去声

夕幣者先行之日陳幣而視之重聘事也使者衣朝服率其



介前夕以臨之亦重其事也管猶館也館人謂掌次舍帷幕者也皮鳥獸之皮束帛玄纁也馬以則言者此礼主用皮或時用馬也

記使者既受行日朝同位

謂前夕幣之間也同位者使者北面介立于左少退別處臣也

右夕陳幣授使者

殿明賓朝服釋幣于禰

釋幣陳幣也禰考祖也

有司筵几于室中祝先入主人從入主人在右再拜祝告又再拜釋幣制玄纁束奠于几下出主人立于戶東祝立于牖西又

入取幣降卷幣實于筭埋于西階東又釋幣于行遂受命去

釋幣亦如之 筭音煩器名

行神者祖祭也黃帝之子累好遠遊而死於道後世以為行神

右釋幣于禰及行

上介及衆介俟于使者之門外使者載羶帥以受命于朝

俟于門外東面北上立也檀梅通旌旗之屬通體畫赤載之者所以表識其事也

君朝服南鄉卿大夫西面北上君使卿進使者使者入及衆介隨入北面東上君揖使者進之上介立于其左接聞命

卿音向接猶續也

賈人西面坐啓積取圭垂纁不起而授宰宰執圭屈纁自公左授使者使者受圭同面垂纁以受命既述命同面授上介上介受圭屈纁出受賈人衆介不從

賈人在官知物價者積匱通函也拜以圭奠纁上屈纁者歛之也賈人位居門外北面

受享束帛加璧受夫入之聘璋享玄纁束帛加宗皆如初

享獻也既聘而享用圭璧有疑實所以厚息惠也夫人為國小君亦有聘享用琮者天地配合之象也

記所以朝天子圭與纁皆九寸剡上寸半厚半寸博三寸纁三來六等朱白蒼

圭之剡上象天圓地方也三色者纁飾也

凡諸侯朱綠纁八寸皆玄纁繫長尺絢組

采成文曰絢繫無事則以繫玉因以為飾皆用五采組上以玄下以絳為地

凡四器者准其所寶以聘可也

四器圭璋璧琮言國所寶者四玉也

凡執玉無藉者襲

藉謂纁也纁即所以緼藉玉曲禮有藉則褻無藉則襲鄭註褻襲文質相變耳有藻為文褻見美亦文無藻為質襲充美亦質圭璋特而襲璧琮加束帛而褻亦是也

右受命于朝

遂行舍于郊歛壇

舍止也邑外曰郊斂哉也斂壇者行道之時也

記出祖釋駮祭酒脯乃飲酒于其側

祖始也將聘而行陳車騎釋酒脯之奠於駮為行始也詩傳曰駮道祭也道路以險阻為難是以委土為山或伏牲其上使者為駮祭酒脯祈告也卿大夫處者於是餞之飲酒于其側禮畢乘車轅之而後行舍於近郊矣

問大夫之幣俟于郊為肆又齋皮馬

肆陳列也齋猶持也

右遂行

若過邦至于竟使次介假道東帛將命于朝曰請帥奠幣下大夫取以入告出許遂受幣餼之以其禮上賓大夫積唯芻禾介

有餼士帥沒其竟竟境通帥率通

過越也邦諸侯之封國也竟界也假借也道路也將奉也帥猶道也奠幣者假道之禮也下大夫他國之大夫也取告者取所奠之幣入告君也遂者明其受幣非為許也辭讓而不得命也餼主牲也猶稟也給也沒盡也言他國之士相道者必盡其境而後止也

誓于其境賓南面上介西面衆介北面東上史讀書司馬執筴立于後

誓告戒之辭筴策通馬筴也一曰籌也賓南面專威信也執馬筴者示罰禮也

右過他國

未入竟壹肆為壇壇畫階惟其北無宮朝服無主無執也介皆與北面西上習享士執庭實習夫人之聘享亦如之習公事不習私事朝音朝與音預

肆習也壇壝埒也惟幕也無宮者不屋也公事致命之事私事私覲私面也

右習儀

及竟張壇誓乃謁關人關人問從者幾人以介對君使士請事遂以入竟

張壇明事在此國也周禮節服氏六人維王之常關人司關之屬問從者幾人欲知聘問之大小令有司之供具也

右及竟

入竟欽壇乃展布幕賓朝服立于幕東西面介皆北面東上衆人北面坐扶圭遂執展之上介北面視之退復位退圭陳皮北首西上又扶璧展之會諸其幣加于左皮上上介視之退馬則幕南北面奠幣于其前展夫人之聘享亦如之賁人告于上介上介告于賓有司展群幣以告陳皮古文作陳幣

展者復校錄于幣重其事也北面者側幕而坐及開積也退圭者圭璋尊不彙陳也會合也

及郊又展如初

郊遠郊也

及館展幣于賁人之館如初

周禮市有候館

右三展幣

賓至于近郊張壇君使下大夫請行及君使卿朝服用束帛勞  
上介出請入告賓禮辭迎于舍門之外再拜勞者不答拜賓揖  
先入受于舍門內勞者奉幣入東面致命賓北面聽命還少退  
再拜稽首受幣勞者出授老幣出迎勞者勞者禮辭賓揖先入  
勞者從之乘皮設賓用束錦償勞者勞者再拜稽首受賓再拜  
稽首送幣勞者揖反出乃退賓送再拜

請行者問所之也勞者不答拜凡為人使不敢當其禮也老  
賓之臣也物四曰桑皮虞鹿之皮設者設於門內也

夫人使下大夫勞以二竹篋方玄被纁裏有蓋其實棗栗棗  
兼執之以進賓受棗大夫二手授栗賓之受如初禮償之如初

下大夫勞者遂以賓入

兼兩也右執棗而左執栗

記辭曰非禮也敢對曰非禮也敢

右郊勞

至于朝主人曰不腆先君之祧既拊以俟矣拊方問反

腆善也祧始祖之廟也周天子七廟文武為祧祧之言超也

拊本作拌方言楚人凡揮器之物曰拊

賓曰俟間

間隙也

右至朝

大夫帥至于館卿致館賓迎再拜卿致命賓再拜稽首卿退賓

送再拜

致至也致命者安之也

記卿館于大夫大夫館於士士館於工商管人爲客三日具沐五日具浴

管人掌客館之人也沐濯髮也浴澡身也

右致管

宰夫朝服設殮飪一牢在西鼎九羞鼎三腥一牢在東鼎七堂上之饌八西夾六門外米禾皆二十車薪芻倍禾殮音孫

殮舖也謂晡時食也飪熟也熟在西腥在東象春秋也鼎西九東七其鼎實與其陳如陳饗餼羞鼎則陪鼎也以其實實之則曰羞以其陳言之則曰陪饌食也八六者豆數也凡饌

以豆爲本堂上八豆八簋六鉶兩簋八壺西夾六豆六簋四鉶兩簋六壺其實與其陳亦如饗餼禾稟實并刈者也諸侯之禮車米視生牢未視死牢牢十車大夫之禮皆視死牢而已雖其有生牢不爲數焉米陳門東未陳門西薪芻各四十車亦如饗餼之設晡布胡反

上介飪一牢在西鼎七羞鼎三堂上之饌六門外米禾皆十車薪芻倍禾衆介皆少牢

上介之鼎七在西無鮮魚鮮腊也衆介之鼎五亦在西羊豕腸胃魚腊新至尚熟堂上之饌四豆四簋兩鉶四壺無簋也記殮不致賓不拜沐浴而食之

殮不致者不以束帛致命草次饌殮具輕也賓不拜者不致

命也

右設殮

厥明訝賓于館賓皮弁聘至于朝賓入于次乃陳幣訝今文作摯  
訝迓同迎也訝賓者下大夫亦皮弁服主尊敬也次在大門  
外之西以帷為之即陳幣之所也

卿為上擯大夫為承擯士為紹擯擯者出請事

擯擯同主國之君所使出接賓者上卿是也承者副上擯也  
紹者繼承擯也公之擯五人侯伯四人子男三人

公皮弁迎賓于大門以大夫納賓賓入門左公再拜賓辟不答  
拜

公迎賓不出門君臣之分也大夫納賓大夫上擯也

詒大夫訝大夫士訝士皆有訝

詒使者大夫上介也士衆介也訝主國迎待賓者

宗人授次次以帷少退于君之次

朱子曰周禮幕人掌共帷幕掌次掌張幕此宗人二字恐誤  
右擯出迎賓

公揖入每門每曲揖及廟門公揖入立于中庭賓立接西塾

每門輒揖者亦敬也此賓謂聘卿大夫也公先入廟門省內  
事也賓迎西堂者已與君交禮將出俟也

右揖賓入及廟門

几筵既設擯者出請命賈人東面坐啓櫝取圭垂纁不起而授  
上介上介不襲執圭屈纁授賓賓襲執圭擯者入告出辭王

以主授介賓俱不褻襲者賤不爲禮賓襲而執圭者盛禮必盛服也辭玉者禮貴大讓也

納賓賓入門左介皆入門左北面西上三揖至于階三讓公升二等賓升西楹西東面擯者退中庭賓致命公左還北鄉擯者進公當楹再拜賓三退負序公側襲受玉于中堂與東楹之間擯者退負東塾而立賓降介逆出賓出公側授宰玉褻降立介皆入門左今文無門字

主賓揖讓升介不與者尊卑有別也公先升者君臣不相敵也拜拜貶賜也側猶獨也獨襲而受玉者尊賓也公側授宰玉者命之歲於序端也褻者免上衣見其盛服降立俟事也記唯大聘有儿筵禮不拜至○辭無常孫而訟辭多則史少則

不違辭苟足以達義之至也

禮不拜至者前者請行禮賓言俟間故今不是始至也孫禮也史謂策祝至極也

辭曰子以君命在寡君寡君拜君命之辱

此贊君拜聘享之辭

上介執圭如重授賓賓入門皇升堂讓將授志趨授如爭承下如送君還而後退下階發氣怡焉再三舉足又趨及門正焉

此介在廟門外屈纒授賓之容皇莊盛也讓謂舉手平衡也志趨謂審行步也如爭承者授玉之時如爭取物恐失墜也執圭入門鞠躬焉如恐失之皇且行入門主敬升堂主慎

右受玉



擯者出請賓禡奉束帛加璧享擯者入告出許庭實皮則攝之  
毛在內內攝之入設也賓入門左揖讓如初升致命張皮公再  
拜受幣士受皮者自後右客賓出當之坐攝之公側授宰幣皮  
如入右首而東禡古文作賜

內攝之者兩手相向也張者釋外足見文也攝之象授于賓  
也

記及享發氣焉盈容幾介北面繪焉

繪容貌舒揚也

凡庭賓隨入左先皮馬相間可也賓之幣唯馬出其餘皆東

間代也

右受享幣

若君不見使大夫受自下聽命自西階升受負右房而  
降亦降不禮

不見謂有疾及有故也大夫上卿也受受聘享受自西階如

還手然賓自大夫左受之

右君不見

聘于夫人用璋享用琮如初禮

記辭君以社稷故在寡小君拜

女公立于中庭以下辭者贊拜夫人聘享之辭也

右聘享夫人

若有言則以束帛如享禮

有言謂有所請求也若春秋臧孫辰告糴于齊是也

記若有故則卒聯束帛加書將命有各以上書於策不及百名書於方主人使人與客讀諸門外

故謂災患及時事相告請也名書文也策簡也方版也  
右有言有故

擯者出請事賓告事畢○賓奉束帛以請覲擯者入告出辭入告出辭者未禮賓故止客而先禮賓也

請禮賓禮辭聽命擯者入告安夫徹几改筵

將禮賓徹神几改神席更布也賓之席東

公出迎賓以入揖讓如初

前是公禮故聘訖而後享公不出迎此私禮故迎

公升側受几于序端宰夫內拂几三奉兩端以進公東面鄉几

拂几三奉振袂中攝之進西鄉擯者告賓進訝受几于筵前東

面俟公壹拜送賓以几辟北面設几不降階上卷再拜稽首公升今文無升卿去夫

振袂進者公以授賓也擯者古告賓以公將授几也賓進訝者未設也几賓在几

宰夫實解以醴加衾于解面枋公側受醴賓不降一拜進筵

受醴復位公拜送醴宰夫薦豆脯醢賓升筵擯者退負東

賓祭脯醢以衾祭醴二庭實設降筵北面以四秉諸解尚擯

啐醴

賓一拜者醴質以少為貴也庭實乘馬也擯持也以右手

衾并于左兩手以捧解也

公用束帛建柶北面吳于為東擯者進相幣賓降辭幣公降一等辭栗階升聽命降拜公辭升再拜稽首受幣當東楹北面退東面俟公壹拜賓降也公再拜賓執左馬以出上介受賓幣從者訝受馬

束帛者致幣于賓也不俟公再拜者不敢當公之盛也公再拜者事畢成禮也賓執左馬出者受尊者禮宜親之也

記醴尊于東廂瓦大一有尊為脯五臠祭半臠橫之祭醴再執始扱一祭卒再祭

瓦大瓦尊臠脯如收然者或謂之臠

主人之庭實則主人遂以出賓之士訝受之

此謂餘三馬者左馬賓執以出矣

### 右禮賓

賓覲奉束錦總乘馬二人贊入門右北面奠幣再拜稽首擯者

辭賓出

覲用束錦辟享幣也總乘馬者總八轡牽之贊者居馬間扣

馬也入門右私事自闔右奠幣再拜以臣禮見也贊賈人也

擯者坐取幣出有司二人牽馬以從出門西面于東塾南擯者

請受賓禮辭聽命牽馬右之入設賓奉幣入門左介皆入門左

西上公揖讓如初升公北面再拜賓三退反還負序振幣進

當東楹北面士受馬者自前還牽者後適其右受牽馬者自前

西乃出賓降階東拜送君辭拜也君降一等辭擯者曰寡君從

子雖將拜起也栗階升公西鄉賓階上再拜稽首公少退賓降

出公側授宰幣馬出公降立

取幣出將還之也牽馬入設者先設客禮也又門左以客禮入也及還者不敢與授圭同也適右受適牽者之右而受之也受馬自前變於受皮也公獨授宰幣者廟中宜清也

記私覲愉愉焉出如舒鴈

愉愉和敬貌舒鴈鵠也

既覲賓若私獻奉獻將命擯者入告出禮辭賓東而坐奠獻再拜稽首擯者東面坐取獻舉以入告出禮請受賓固辭公答再拜擯者立于闕外以相拜賓辟擯者授宰夫于中庭若兄弟之國則問夫人

右賓私覲私獻

擯者出請上介奉束錦士介四人皆奉玉錦束請覲擯者入告出許上介奉幣儷皮二人贊皆入門右東上奠幣皆再拜稽首擯者辭介逆出擯者執上幣士執衆幣有司二人舉皮從其幣出請受委皮南面執幣者西面北上擯者請受介禮辭聽命皆進訝受其幣上介奉幣皮先入門左奠皮公再拜介振幣自皮西進北面受幣退復位再拜稽首送幣介出宰自公左受幣有司二人坐舉皮以東

玉錦錦之文織縛者也擯者辭辭其臣也介逆出事畢也出請受者請于上介也皮先者介隨執皮者而入也執皮者奠皮有不敢受之義也不受于堂介賤也

擯者又納士介士介入門右奠幣再拜稽首擯者辭介逆出擯

者執上幣以出禮請受賓固辭公答再拜擯者出立于門中以  
相拜士介皆辟士三人東上坐取幣立擯者進宰夫受幣于中  
庭以東執幣者序從之

納者出導其入也固銜文賓為之辭士介賤不敢以言通於  
主君也士介辟東面位也序從者宰夫一一受也

右介私覲

擯者出請賓告事畢擯者入告公出送賓及大門內公問君賓  
對公再拜公問大夫賓對公勞賓賓再拜稽首公答拜公勞介  
介皆再拜稽首公答拜賓出公再拜送賓不顧

賓告事畢則衆介逆道賓出也賓對者以無恙答也公問  
大夫以道路之勤而賓亦對者賤不可以體貴也

右公送賓問君門大夫勞賓介

目厥明訝賓至此凡七節只是一日之禮

賓請有事於大夫公禮辭許賓即館

記賓即館訝將公命又見之以其摯

右賓即館

卿大夫勞賓賓不見大夫奠鴈再拜上介受勞上介亦如之  
記幣之所及皆勞不釋服

右卿大夫勞

君使卿韋弁歸饗餼五牢上介請事賓朝服禮辭有司入陳歸  
今文作饋

變皮弁服韋弁敬也入陳入賓館陳積也



禮記卷之六  
禮設于門西西陳薪芻倍禾秬丁故反

籩主牲也十斗曰斛秉禾束也禾百二十斤為石二石為筥  
十筥曰稷十稷曰秬秬四百秉也數十六斗爾雅益二有半  
曰數數二有半曰至五數者二十四斛三秬者千二百秉倍  
禾者以其用之多也薪從米芻從禾四者之車皆陳北軛皆  
禮之至厚也東西為列行列橫陳黍兩行在北次梁次稷不  
用稻為上者稻梁是加黍稷是正故也 稷音總

賓皮弁迎大夫于外門外再拜大夫不答拜揖入及廟門賓揖  
入大夫奉束帛入三揖皆行至于階讓大夫先升一等賓從升  
堂北面聽命大夫東面致命賓降階西再拜稽首拜籩亦如之  
大夫辭升成拜受幣堂中西北面大夫降出賓降授老幣至于

階讓古文作階三讓

賓皮弁者君之卿也大夫使者卿也大夫致命者大夫以束  
帛同致饗籩也堂中西中央之西也

出迎大夫大夫禮辭許入揖讓如初賓升一等大夫從升堂庭  
實設馬乘賓降堂受老束錦大夫止賓奉幣西面大夫東面賓  
致幣大夫對北面當楹再拜稽首受幣于楹間南面退東面俟  
賓再拜稽首送幣大夫降執左馬以出賓送于外門外再拜○  
明日賓拜于朝拜饗與籩皆再拜稽首

記聘日致饗○十斗曰斛十六斗曰數十數曰秉二百四十斗  
四秉曰筥十筥曰稷十稷曰秬四百秉為一秬○凡賓拜于朝  
訝聽之

右歸賓饗餼

記賜饗唯羹飪筮一尸若昭若穆

羹飪謂飪一牢也肉謂之羹筮尸若昭若穆若父在則祭祖

父卒則祭禰也

僕為祝祝曰孝孫某孝子某薦嘉禮于皇祖某甫皇考某子

僕為祝者天之臣攝官也

如饋食之禮假器于大夫盼肉及廋車盼音班廋所求反

如少牢饋食之禮不言少牢今以大牢也盼猶賦也廋度人

也車巾車也

右羹飪筮尸祭

上介饗餼三牢飪一牢在西鼎七羞鼎三腥一牢在東鼎七

饌六西夾亦如之管及壅如上賓餼一牢門外米不視

俸牢十車薪芻倍禾凡其實與陳如上賓下大夫韋并用束帛

數之上介常并以受如賓禮饋之兩馬束錦

賓介皆異館故別設餼焉飪鼎七者無鮮魚鮮腊也饌六者

賓西夾之數

右歸上介饗餼

士介四人皆餼大牢米百筮設于門外宰夫朝服牽牛以致之

士介朝服北面再拜稽首受無擯

牢米不入門無束帛畧之也受牢之禮受于牢東拜自牢後

記士無饗食無饗者無擯○無饗者無饗禮

右歸衆介餼



記歸大禮之日既受饗餼請觀訝帥之自下門入

右聘使請觀

賓朝服問卿卿受于祖廟下大夫擯擯者出請事大夫朝服迎于外門外再拜賓不答拜揖大夫先入每門每曲揖及廟門大夫揖入擯者請命庭實設四皮賓奉束帛入三揖皆行至于階讓賓升一等大夫從升堂北面聽命賓東面致命大夫降階西再拜稽首賓辭升成拜受幣堂中西北面負降出大夫降授老幣無擯

至于階讓古文作三讓○賓問卿不皮弁者別於其君也不几筵辟君也四皮麋鹿皮也

擯者出請事實面如覲幣賓奉幣庭實從入門右大夫辭賓

庭實設揖讓如初大夫升一等賓從之大夫西面命賓揖而大夫對北面當楹再拜受幣于楹間南面退西面立賓當楹再拜送幣降出大夫降授老幣庭實設今文作入設

面亦見也稱舉也舉相見之辭以相接也受幣楹間者敵也記聘日致饗明日問大夫大夫不敢辭君初為之辭矣

明日問者亦教也

辭君既寡君延及三老拜

大夫曰老

六

右賓問卿面卿

擯者出請事上介特面幣如覲介奉幣皮二人贊入門右負幣再拜大夫辭擯者反幣庭實設介奉幣入大夫揖讓如初介升

大夫再拜受介降拜大夫降辭介升再拜送幣奉幣入古文作  
入誤

皮亦儷皮反幣者還上介也

擯者出請衆介面如覲幣入門右奠幣皆再拜大夫辭介逆出  
擯者執上幣出禮請受賓辭大夫答再拜擯者執上幣立于門  
中以相拜士介皆辟老受擯者幣于中庭士三人坐取群幣以  
從之擯者出請事

賓辭者亦為士介辭也

右介私面於卿

賓出大夫送于外門外再拜賓不顧擯者退大夫拜辱

右賓出

下大夫嘗使至者幣及之上介朝服三介問下大夫下大夫如  
卿受幣之禮其面如賓面于卿之禮

嘗使至以幣問不忘舊也上介三介下大夫使者

右問嘗使者

大夫若不見君使大夫各以其爵為之受知主人受幣禮不拜  
各以其爵主人卿也則使卿大夫則使大夫不拜代受之耳  
不當主人禮也

右主國大夫有故

記既將公事賓請歸賓既將公事復見訝以其摯

既已也公事聘享問大夫復報也

右賓見訝者

夕夫人使下大夫幣弁歸禮堂上籩豆六設于戶東西上二以並東陳壺設于東序北上二以並南陳醴黍清皆兩壺大夫以東帛致之賓如受饗之禮償之乘馬束錦醴所九互

夕問卿之夕也使下大夫下君也君使之云夫人者以致辭當稱寡小君也醴白酒也凡酒稻爲上黍次之梁次之間清白者互相備也

上介四豆四籩四壺受之如賓禮償之兩馬來錦明日賓拜禮於朝

拜禮古文作拜醴四壺無稻酒也

記聘日致饗明日問大夫夕夫人歸禮

與君異日下之也

右夫人歸禮於賓介

大夫餼賓大牢米八筐賓迎再拜老牽牛以致之賓再拜稽首受老退賓再拜送上介亦如之衆介皆少牢米六筐皆士牽羊以致之

記凡餼大夫黍梁稷筐五斛

米八筐者黍稷各二筐稷四筐二以並南陳無稻米六筐者又無梁也

右大夫餼賓介

公於賓壹食再饗燕與羞俶獻無常數賓介皆明日拜于朝上介壹食壹饗若不親食使大夫各以其爵朝服致之以侑幣如致饗無償致饗食以酬幣亦如之

饗謂饗大牢以飲賓也食禮無酒饗禮有酒羞謂禽羞也始也始獻四時新物君不親食謂有疾及他故必致之不廢其禮酬幣者饗禮酬賓勸酒之幣也

記其介為介○凡致禮皆用其饗之加籩豆各以其爵朝服○大夫來使無罪饗之過則餼之○有大客後至則先客不饗食致之○燕則上介為賓賓為君敬宰夫獻○既致饗旬而稍宰夫始歸乘禽日如其饗餼之數士中日則二雙凡獻執一雙委其餘于面禽羞叔獻比

苟敬者小敬也阼階西近主為位諸公坐位為小敬對戶牖南面為大敬稍畧食也乘謂乘行之禽鴈鷺之屬

右食饗燕羞獻

大夫於賓壹饗壹食上介若食若饗○若不親饗則公作大夫致之以酬幣致食以侑幣

作使也大夫有故君必使其同爵者為之致其禮也

右大夫饗食賓介

君使卿皮弁還玉于館賓皮弁襲迎于外門外不拜帥大夫以入大夫弁自西階鉤楹于門外今文無外帥古文作率

還玉者德不可取於人相切厲之義也鉤楹者山楹內將南面致命致命不東面以賓在下也

賓自碑內聽命弁自西階自左南面受圭退負右房而立聽命弁今文作聽命由自左南面今文無南面字

此特於下聽命者敬也

大夫降中庭賓降自碑內東面授上介于阼階東上介出請賓  
迎大夫還璋如初入

右還玉及還璋

賓禡迎大夫賄用束紡

予人以財曰賄紡紡絲為之今之素紗也

禮玉束帛乘皮皆如還玉禮大夫出賓送不拜

禮玉以玉禮聘君所以報享也

記賄在聘于賄○無行則重賄反幣

于讀曰為無行謂獨來復無所之也

客將歸使大夫以其束帛反命于館明日君館之

右報享

公館賓上辟上介聽命公退賓從請命于朝公辟賓退

記又拜送

館賓者賓將去公親造其館送之也賓辟者不敢屈主君之  
尊也

右公館賓

聘享夫人之聘享問大夫送賓公皆再拜

拜此四事公東面拜擯者北面

右公拜四事

賓三拜乘禽於朝訝聽之遂行舍於郊

記賓於館堂楹間釋四皮束帛賓不致主人不拜

拜者明受君之賜雖微禮亦拜

右賓拜賜遂行

公使卿贈如覲幣受于舍門外如受勞禮無僮使下大夫贈上  
介亦如之使士贈衆介如其覲幣大夫親贈如其面幣無僮贈  
上介亦如之使人贈衆介如其面幣○士送至于竟公使今文  
作君使

右贈送

使者歸及郊請反命朝服載壇讓乃入乃入陳幣于朝西上上  
賓之公幣私幣皆陳上介公幣陳他介皆否束帛各加其庭實  
皮左壇古文作騰

袞祭各袞除行道之不祥也公幣有八一郊幣二禮賓三致  
饗餼四夫人歸禮五侑食六載饗七夕饗八贈侑皆用束錦

私幣十有九上介公幣五

公南鄉上進使者使者執圭垂纁北面上介執璋居纁立于其  
左反命曰以君命聘于某君某君受聘于某宮某君再拜以某  
某君某君再拜宰自公左受玉受上介璋致命亦如之執賄幣  
以告曰某君使其子賄受宰禮玉亦如之執禮幣以尺言賜禮  
公曰然而不善乎授上介幣再拜稽首公答再拜私幣不告君  
勞之再拜稽首君答再拜若有獻則曰某君之賜也君其以賜  
平上介徒以公賜告如上賓之禮君勞之再拜稽首君答拜勞  
士介亦如之君使宰賜使者幣使者再拜稽首賜介介皆再拜  
稽首乃退介皆送至于使者之門乃退揖使者拜其辱卿使勞  
皆去也

而猶女也徒謂空子不執其幣而告也女音汝

右歸反命

釋幣于門乃至於祔筵几于室薦脯醢觴酒陳

至祔筵告復也觴酒陳者主人酌進奠一獻也行釋幣反釋奠畧出謹入也

席于阼薦脯醢

為酢主人也酢主人者祝取爵酌不酢於室異於祭也

三獻

室老亞獻士三獻也每獻奠輒取爵酌主人自酢也

一人舉爵獻從者行酬乃出上介至亦如之

三獻禮成更起酒也

右釋幣于門至于祔

聘遭喪入竟則遂也不郊勞不筵几不禮賓主人畢歸禮賓雖饗餼之受不賄不禮玉不贈竟竟通勞去聲

主國君薨已入境則見之關人未告則友也不郊勞者世子未即位也不筵几者致命不於廟就尸柩於殯宮不神之也不禮賓者因喪殺禮也畢歸禮者接納之禮雖不罷而饗餼饗食之禮不可廢也唯饗餼之受者受正不受加也不賄不禮玉不贈者凶喪之餘不備禮也

遭夫人世子之喪君不受使大夫受于廟其他如遭君喪不受者不以凶接吉也

遭喪將命于大夫主人長衣練冠以受

長衣素純布衣也練冠不以純函接吉也

右遭主國喪

聘君若薨于後入竟則遂赴者未至則哭于巷衰于館受禮不受饗食赴者至則衰而出唯稍受之歸執主復命于殯升自西階不升堂子即位不哭辯復命如聘子臣皆哭與介入北鄉哭出祖括髮入門右即位踊赴今文作計鄉去聲

哭于巷門未可爲位也衰于館者未可以凶服見人其聘享之事自若吉也受禮者饗餼之禮復命于殯者臣子於君父存亡同也

右聘君薨

若有私喪則哭于館衰而居不饗食歸使衆介先衰而後之

私喪謂父母也哭于館衰而居不敢以私喪自聞于主國喪服于君之吉使也

右私喪

賓入竟而死遂也主人爲之具而殯介攝其命君弔介爲主人主人歸禮幣必以用介受賓禮無辭也不饗食歸介復命柩止于門外介卒復命出奉柩送之君弔卒殯若大夫介卒亦如之士介死爲之棺斂之君不吊焉若賓死未將命則既斂于棺造于朝介將命若介死歸復命唯上介造于朝若介死雖士介賓既復命復卒殯乃歸

具者謂始死至殯所當用也介攝者爲致聘享之禮也君弔介爲主人者雖有巨子親姻猶不爲主人以介與賓並命于



君尊也必以用者以禮幣為喪具之用也士介死為之棺歛者不具他衣物也未將命者俟間之後也以柩造朝以已至朝志在達君命也往謂送其柩也

右賓介卒

小聘曰問不享有獻不及夫人主人不筵几不禮面不升不郊勞其禮如為介三介

記賤於聘所以為小也其禮如為介如上文卿聘之時為介者所得之禮也三介者行禮惟有三介也

右小聘

重刊儀禮考註卷之八

